

Շայրենիք սոսկ աշխարհագրական Տարածք չէ, որի վրա բնակվում ես



Այն գե-
ներով փո-
խանցված
արյան
կանչ է, որ
մահն ան-
գամ չի կա-
րող լռեց-
նել...

Արեգնազ Պողոսյանի հետ հանդիպման առիթը նրա ամուսնուհի Զյուսիսային Արցախի Գետաշենի ենթաշրջանի պաշտպանության կազմակերպիչ, ՆԳ մայոր, զոհված ազատամարտիկ Սարմեն Պողոսյանի 50-րդ ծննդյան օրն էր ու ծննդյան օրից ոչ այնքան հեռու... մահվան 10-րդ տարելիցը, որ այսօր 2000թ. սեպտեմբերի 15-ին միաժամանակ նշվում է Հայ ազատամարտիկների փառքի թանգարանում:

Սարմեն Պողոսյան ... Պարզապես մեկը նրանցից, որոնց մասին կարճ ասում են «որդին է նախ հայրենիքի», ծնված 1950թ. սեպտեմբերի 13-ին Դաշտային Ղարաբաղի Սարտունաշեն գյուղում, ողբերգաբար զոհված 1990թ. սեպտեմբերի 16-ին, Շահումյանի շրջանի երթեջ գյուղից դեպի Գետաշեն անցումի ժամանակ:

Մինչև այսօր էլ պարզ չեն Սարմեն Պողոսյանի մահվան իրական հանգամանքները: Սակայն պարզ է մի բան, որ խորհրդային միլիցիայի մայոր Ս. Պողոսյանը մանավանդ այդ խառնաշփոթ օրերին չէր կարող չհայտնվել երկակի վիճակում. իբրև խորհրդային միլիցիայի ծա-

ռայող այդ օրերին նա նույնիսկ «Ղարաբաղ» կոմիտե էր «ծերբակալել», մինչդեռ իբրև հայ ազատամարտիկ պայքարում էր, որ ձգձգվի... նրանց ծերբակալությունը: Հայ ազատամարտիկը «պայքարում էր» խորհրդային միլիցիայի ծառայողի դեմ, ու երբ վերջապես հաղթեց վերջինիս, հասկացավ, որ իր կյանքի գերագույն նպատակն է հայրենի հողի Սարտունաշենի ու Գետաշենի ինքնապաշտպանության կազմակերպումը, թույլ չտալ, որ գյուղերն անայանան. «Գյուղերը թե դուրս գան, իմ դիակի վրայով կլինի...»:

Ամուսնու մահից հետո Արեգնազը երեւի ցնորվեր, եթե չծնվեր իրենց վերստին միացնող-ապրեցնող լուսանկարների ալբոմ ձեւավորելու միտքը: Կինը ոչ միայն ձեւավորում էր, այլև մտովի գրուցում էր Սարմենի հետ: Զրուցում էր Դոնի Ռոստովի ժամադրության, իրենց առաջին աշնան, աղջկա ծննդյան օրվա մասին:

Ալբոմի նախավերջին էջում վերջին ծննդյան օրվա լուսանկարներն են: Սարմենը այդ օրը դարձել էր 39 տարեկան: 40-րդ աշունը չհասցրեց... Սեպտեմբերի 13-ից արդեն պատրաստվում էր մի անսովոր-հեռավոր ճամփորդության, պատրաստվում էր մեկնել: Ոչ ծննդյան օրվա առթիվ հավաքված հյուրերի հորդորները, ոչ հիվանդ հոր ու մոր

աղերսանքները, ոչ կնոջ կիսահավատացող-կիսավախեցած հայացքը չկարողացան հետ պահել: Մեկնեց:

«Նախորդ երեկոյան շատ էր շտապում գյուղ հասնել,- գրում են ընկերները հրաժեշտի խոսքում,- դրա համար էլ ծորերին չէր նայում: Թեպետ քաջ գիտեր, որ ծորեր կան...»: Զոհվեց շրջափակված հայրենի գյուղի ճանապարհին, Գետահովտի ժայռերի տակ, ծորերից մեկում:

... Ալբոմի ամենավերջին էջում իրենց բաժանող աշնան «դիմանկարն էր» մռայլ ուրվապատկերով: Ուրվապատկերից աջ ու ձախ Սարմենն ու Արեգնազն էին, որ չէին տեսնում միմյանց: Ուրվապատկերի շարունակությունը հերոսի մահը պատկերող լուսանկարներն էին:

1990թ. սեպտեմբերի 20-ին Սարմեն Պողոսյանի թաղումն էր, նաև Սեդա անունով դատեր ծննդյան օրը... Այդ ծննդյան օրը դրանից ի վեր ուրիշ կերպ, ուրիշ մի տխրությամբ պիտի ամեն անգամ նշեն Սարմենի կինն ու դուստրերը Սեդան ու Գայանեն, բայց պիտի հիշեն նաև ազնիվ ու խոնարհ մի հպարտությամբ, որ նշանակում է հայրենիք հասկացությունը սոսկ աշխարհագրական տարածք չէ, որի վրա բնակվում ենք, այլ գեներով փոխանցվող արյան կանչ, որը մահն անգամ չի կարող լռեցնել...